



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

CXXXIX. Kurfürst Joachim und Markgraf Albrecht belehnen Christian und
Friedrich von Wedel mit Raduhn und Besitzungen zu Hausberg, am 7.
März 1499.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

komen vnd sunst meniglich an seinem rechten onshedlich. Czu vrkund etc. Actum am Sonabend nach Cantate, zu Tangermunde, Im XCten.

Nach dem Churmärkischen Lehnscopialbuche XXIX, 16.

CXXXIX. Kurfürst Joachim und Markgraf Albrecht belehnen Christian und Friedrich von Wedel mit Raduhn und Besitzungen zu Hausberg, am 7. März 1499.

Vonn gotts gnadenn Joachim, kurfurst etc., vnd Albrecht, gebrudere, — Bekennen vnd thun kuntt offentlich mit disem vnserm briue —, das wir vnsern liebenn getrewenn kiristian vnd fridrich vonn wedell, geuettern vnd Iren menlichen leibs lehenns erben dise hirnachgeschribenn gutter, Nemlichen das dorff Roddun mit wasserenn, vischereien, wifzen, werdern, holczungen vnd sunst allen vnd iglichen seinen Nuczungen vnd zugehorungen, darzu vir hufen Im dorff zu hauffberg, auch mit allen gnadenn vnd gerechtigeitenn, Inmassen die von laüprecht von wedell ann sie kommen vnd gefallen ist vnd sie die obgenanten lehenguter, Jerliche zins vnd renth vonn vnser herschafft hieuoren zu Rechtem manlehenn gehabt, besessen vnd gebraucht habenn, zu Rechtem manlehen vnd gefampter handt gnediglichen gelihenn haben vnd leihen Inen dy zu Rechtem manlehns vnd gefampter handt Inn Craft vnd macht dits brives etc. — vnd haben darzu hannfen vonn Wedell, Irem vettern, die gefamelten hand an solchen lehne gelihen, wie gefamelter handt recht vnd gewonhait ist, doch vns vnd sunst yderman an seinem rechten one schaden, vnd des zu urkundt mit vnserem Marggrauen Joachims, kurfurstens, Insigell versigelt vnd Geben zu koniglzberg, am donerstag nach dem Sontag oculi In der vasten, Im XCIX. Jare.

Nach dem Churmärkischen Lehnscopialbuche XXX, 42.

CXL. Kurfürst Joachim und Markgraf Albrecht belehnen die von Wedel zu Lütz mit dem Dorfe Brochnow und dem Angefälle der Lehngüter Haffo's von Wedel zu Neuwedel und Girtow, am 16. März 1499.

Von gotts gnaden wir Joachim, kurfurst etc., vnd albrecht, gebrudere etc., Bekennen —, das wir vnsern liebenn getrewen matzken vnd Jacob von Wedelen zum Tutzk vnd iren menlichen leibs lehens erben das dorff Brochenow mit allen seinen zugehorungen, nuczungen vnd gerechtigkeiten, wie sie vnd Ire vnsaren solchs bisher von vnser herschafft zu leben vnd In besiczung gehabt, zu rechtem manlehne vnd gefampter handt gelihen haben etc. —